

外科小引

五發癰疽論

背疽其源有五

疔瘡

雜瘡

癬

瘡科總論

華佗癰疽瘡腫論

五發癰疽通治方

反花瘡

婦人陰瘡

癩瘡

赤水玄珠第二十九卷

新安生生子孫一奎著

外科門小引

生生子曰外科最重者莫如癰疽最急者莫如喉風疔腫
患之者生死立見其餘瘡癩皆可緩圖非若上三証急
若風火也究其受病之源經曰營氣不從逆于肉理乃
生癰腫又曰膏粱之變足生大疔又曰六府不從留結
爲癩又曰諸痛痒瘡瘍皆屬心火大抵皆氣血虛弱蘊
鬱熱毒調養失宜之所致也予固非專門外科蓋常咨
訪推究頗知治法大躰茲採前人所論癰疽証治載列
卷首疔瘡腫瘍次之陶節庵癩疽經薛立齋外科精要

一二書實外科權輿業是者不可不使之隨囊檢視能熟
此一二書鮮有敗事予因特舉歷試有功者揭出以告同
志云

瘡科總論

夫癰疽瘡癤者皆由氣血不和喜怒不時飲食不節寒暑
不調使五臟六腑之氣怫鬱于內以致陰陽乖錯氣血凝
滯而發也亦有久服丹石燥熱之藥熱毒結深而爲癰疽
也夫癰疽之疾多生於膏粱富貴之人以其平昔所食肥
膩炙博安坐不勞嗜慾無節以致虛邪熱毒內攻煎熬氣
血而成也癰者壅也大而高起屬乎陽其脉浮數疽者沮
也平而內發屬乎陰其脉沉數瘡者總名也癤者有頭小

瘡也經云諸痛痒瘡皆屬心火蓋心主血而行氣若氣血
凝滯挾心火之熱而生瘡疽之類也然所感有淺深故所
發有輕重大小之不同也六府積熱騰出於外肌肉之間其
發暴甚皮腫光軟侵衰廣大者瘡也五臟風毒積熱攻注
於肌骨其發猛惡初生一頭如痞癰白色焦枯觸之而痛
應心者疽也熱發於皮膚之間浮腫根小不過二三寸者
癰也夫瘡發於六府若燎原之火外潰肌肉疽生於五臟
沉澁難療若陶室之燧內消骨髓瘡則易療惟難將息而
遲瘡疽則難療而易痊夫諸瘡之中惟背疽疔瘡最爲急
症其次莫如腦疽腸瘡喉瘡之類亦其急者也至若癩癧
懸瘡痔漏諸瘡之類其証可緩而治也又有疥癬癩瘡風

疔之類雖云俱屬瘡類而其輕重緩急自有不同也夫瘡
疽之疾要須察其是虛是實是冷是熱或重或輕對証用
藥無失先後次序凡人年四十以上頭項鬢頤背膂腰脅
或筋骨之上所視不見之處稍有瘡癩便不可輕易待之
若視之怠慢以爲常疾每見至微至著喪命者多矣便宜
速急治之庶幾得救譬之救火初起則易救至于燎原之
勢不可撲滅矣其理亦由是也凡瘡未破毒攻臟腑一毫
熱藥斷不可用此是先後次第之妙訣也夫瘡有五善七
惡不可不辨若動息自寧飲食知味一善也便利調勻二
善也膿潰腫消色鮮不臭三善也神彩精明語聲清亮四
善也躰氣和平五善也如煩躁時嗽腹痛渴甚泄利無度

小便如淋一惡也膿血大泄熈痛尤甚臭惡難近二惡也喘短氣恍惚嗜卧三惡也未潰先黑久陷面青唇黧便汚者四惡也肩項不便四肢沉重五惡也不能下食服藥而嘔食不知味六惡也聲嘶色脫唇鼻青黑面目四肢浮腫七惡也更有氣噫痞塞欬逆身冷自汗無時目瞤耳聾恍惚驚悸語言頻錯皆惡証也五善見三則差七惡見四必危若五善并至則吉而安七惡全見必危而死矣已上所論大綱其諸証治法列論于後

五發癰疽論

夫五發癰疽者謂發背發腦發鬚發眉發頤是也人之一身血氣周流而無間稍有壅聚莫不隨所至而發焉又豈

特五者哉夫發背者乃五臟風熱六府邪毒灌于筋骨之間發于經絡之內榮衛虛損氣血衰殘所致也其發初如粟米大最不可輕忽後必大發也若初起紅腫高起者後必不爲害故曰外形如粟中可容谷外貌如錢裏可着拳如惡毒深滿膿血交粘用藥可痊若膿臭穢無絲此血敗氣衰陽絕陰盛必難療理治初起或陰塌不起便可用艾多灸或隔蒜灸之如痛灸至痒如痒灸至痛此最妙法也若疽瘡已成亦可用火針烙開瘡口則易治也若瘡高起爲癰則易治平陷爲疽則難治癰疽形症已具前總論中茲不復論至如發腦發眉發鬚發鬚發頤地位不同然皆由內臟伏陽結滯邪毒上壅隨其經絡地分而發也其諸

發瘡初起皆宜宣散熱毒要須看人元氣虛實而治之庶
不悞矣若元氣實者亦可用大黃之劑泄去毒氣或用漏
蘆五香連翹之類皆可用內托十宣之類補之亦有陰瘡
寒塌不起雖云用灸然亦不可服寒涼之劑亦宜以煖藥
溫之全在活法不可執一也其敷貼洗藥具方于下隨症
用焉

外科精要曰瘡疽既灸卽服藥以護腑臟如護心散凡有
疽疾早進數服使毒氣外出而無嘔吐之患否則咽喉口
舌生瘡或黑爛如茵若瘡發四五日之後宜間用別藥治
之

又曰護心散乃鮮金石發疽之藥若發熱熈腫作渴飲冷

而嘔者宜之若發熱焮腫作渴飲湯而嘔者不宜用之蓋脾虛停痰或寒邪內侵或痛傷脾胃宜用六君子湯若喉舌生瘡或口乾作渴或小便頻數宜用六味丸大凡諸瘡作嘔若飲冷便秘是熱毒也黃連消毒散鮮之飲冷便和是胃火也竹葉石膏湯清之懶食飲湯是胃虛也補中益氣湯補之大便不實喜飲熱湯是脾胃虛寒也六君子加炮姜以溫之常見脾胃虛弱者用護心散反致胃寒嘔惡其喉舌生瘡乃腎水枯涸虛火炎上其証甚惡急用加減八味丸多有得生者

又曰瘡疽嘔逆是毒氣沖心非脾胃之冷當服內托散楊氏云鼻衄初愈不曾表汗毒在經絡則背大疽自肩下連

腰臄腫硬如石其色紫黑以涼藥投之終夜大嘔連進托裏散嘔止瘡潰赤水淋漓四十日而愈又有患瘰者痛過輒嘔服托裏卽止今有疽病不服此藥者故引楊氏之言以解世人之惑

華佗瘰疽瘡腫論

夫瘰疽瘡腫之作皆五臟六府蓄毒不流非獨因榮衛壅塞而發也其行也有處其止也有歸假令發於喉舌者心之毒發於皮毛者肺之毒發於肌肉者脾之毒發於骨髓者腎之毒發於下者陰中之毒發於上者陽中之毒發於外者六府之毒發於內者五臟之毒故內曰壞外曰潰上曰從下曰逆發於上者得之速發於下者得之緩感於六

府則易治感於五臟則難瘳又近骨者多冷近膚者多熱
近骨者久不愈則化成血蟲近膚者久不愈則傳氣成漏
成蟲則多痒少痛或先痒後痛成漏則多痛少痒或不痛
不痒肉虛外實者多痛少痒血不止則多死潰膿則多生
或嘔逆無度飲食無時皆癰疽使然症候多端要當詳治
薛立齋曰瘡瘍生虫乃肝經風熱其成漏乃元氣虛弱其
出血乃脾虛有火其潰膿乃元氣充實至於嘔逆等証屬
脾胃虧損所致當調補元氣庶保無虞

背疽其源有五

一天行二瘦弱氣滯三怒氣四腎氣虛五飲冷酒食炙燂服

丹藥

治癰疽用藥大綱

一初患癰疽便服內托散以免後未口舌生瘡仍用騎竹馬或隔蒜灸

一服五香連翹湯如大便踈快卽止仍量人虛實

一癰疽潰後宜服排膿內補散若嘔逆木香湯下

一癰疽初作便宜灼艾及麥飯石膏塗四圍中留口出毒如瘡小通傳之旣潰用神異膏帖之

一癰疽已潰日用猪蹄湯淋洗將愈之際三日一次

一癰疽將斂宜用神異膏如毒未盡不可遽用生肌之劑一癰疽將安宜用加味十全湯補其氣血庶肌肉易生

一背疽多先渴而後發或先疽而後渴不救者多矣若服

加減八味丸非特杜絕渴疾抑亦大滋氣血生長肌肉
一瘰疽嘔逆有二一因初發不服內托散伏熱在心一因
脾氣不正伏熱在心者則心煩身熱焮腫作痛宜用內
托散三兩服之脾氣不正者則不煩熱或聞穢氣作嘔
宜用嘉禾散如有寒熱用不換金正氣散五更初兼服
山藥丸以補腎

瘰疽用香藥調治論

伍氏曰氣血聞香則行聞臭則逆大抵瘡瘍多回營氣不
從逆於肉理鬱結爲膿得香則氣血流行故服五香連
翹湯萬金散金粉散凡瘡本腥穢又聞臭觸則愈甚若
毒入胃則咳逆古人用之可謂有理且如飲食調令香

美以益脾土養其真元可保無虞矣

五發癰疽通治方

漏芦湯 治一切惡瘡毒腫丹瘤癰瘰疔腫魚臍五發癰疽初覺一二日便如傷寒頭疼煩渴拘急惡寒肢體疼痛四肢沉重恍惚悶亂坐卧不寧皮膚壯熱大便閉瀉小便赤黃並皆服之

姓婦勿服

漏芦

白欬

黃岑

麻黃

去節

枳實

去白

炒

升麻

芍藥

炙甘草

朴硝

各一兩

大黃

二兩

右每服三五錢看虛實用水煎空心熱服

五香連翹湯

治諸瘡腫初覺一二日便厥喉咽塞發寒

熱 乳香

木香

木通

大黃

各一錢半

連翹

沉香

獨活 桑寄生 丁香 射干 升麻 射香 另研各一錢

甘草 五分 姜三片水煎不拘時服

托裏護心散 治諸疔腫發背曾經汗下毒氣攻心迷悶

嘔吐而痛可服二三服 乳香 一兩 棗荳粉 四兩 和勻

每服三錢甘草湯調服

神仙蠟礬丸 此藥不問老幼皆可服之服至一兩已上

無不取効最止疼痛不動臟腑委是神効活人不可勝

數 白礬 明亮者一兩研 黃蠟 七錢溶化提起待少冷 右

眾手丸如梧桐子大倘蠟冷不能丸以滾湯頓之便軟

每服二十九漸加至三四十丸白湯或酒吞下 如未

破即內消已破即便合如服金石發動致疾更用白礬

未一兩匙頭溫酒調下亦三五服見効有人遍身生瘡
狀如蛇頭服此亦効諸書皆稱神奇但一日之中服近
百粒則方有功此藥能防毒氣內攻蓋能護膜也切不
可欺其淺近而忽之始終服過半斤必能萬全瘡愈後
服之尤佳

一方治蛇咬只溶化白礬乘熱滴傷處痛即止毒氣即起
出立見効驗要知白礬大能解毒也

千金并裏散 治一切瘡腫發背疔毒若氣血虛而不能
作膿或潰後膿清痛仍不減最宜服此便能排膿止痛

黃耆

一兩半

厚朴

防風

桔梗

各二兩

連翹

一兩

木香

沒藥

各三錢

乳香

一錢

當歸

五錢

川芎

白芷